

## **Përpunimi aktiv**

### Seksioni 1

#### Dispozita të përgjithshme

Për qëllim të nenit 272 deri 325<sup>1</sup>:

- a) “*Produkte kompensuese kryesore*” do të thotë: produktet kompensuese për përftimin e të cilave është dhënë autorizim për përdorimin e regjimit të përpunimit aktiv;
- b) “*Produkte kompensuese dytësore*” do të thotë: produkte kompensuese, të ndryshme nga ato kryesore, të cilët përftohen domosdoshmërisht si produkt shoqërues gjatë operacioneve të përpunimit;
- c) “*Humbje(/firo)*” do të thotë: pjesa e mallrave të importuara të cilat shkatërrohen dhe humbasin gjatë përpunimit, veçanërisht për shkak të avullimit, tharjes, çlirimit në trajtë gazi ose nga shplarja;
- d) “*Metoda e matjes sasiore*” do të thotë: llogaritja e asaj pjese të mallrave të importuara të trupëzuara në produkte të ndryshme kompensuese në raport me sasinë e mallrave të importuara;
- e) “*Metoda e matjes mbi bazën e vlerës*” do të thotë: përlllogaritja e asaj pjese të mallrave të importuara të trupëzuara në produktet të ndryshme kompensuese në raport me vlerën e këtyre të fundit;
- f) “*Operator*” do të thotë: personi që kryen të gjithë ose një pjesë të operacioneve të përpunimit;
- g) “*Afat i ri eksportimit*” do të thotë: afati brenda të cilit produkteve duhet t’u caktohet një destinacion doganor siç përshkruhet në nenin 112 të Kodit;

#### *Neni 272*

Në përputhje me pjesën IV, kreu 2, seksioni 3D të Kodit, ky kre përcakton dispozitat për zbatimin e regjimit të përpunimit aktiv.

#### *Neni 273*

Mallrat e referuara në nenin 136 (2)(c) të Kodit, të cilat mund të përdoren si produkte shtesë renditen në Aneksin 38.

### Seksioni 2

#### Dhënia e autorizimit

#### *Neni 274*

1. Autorizimi për sistemin me pezullim jepet vetëm kur këkuesi ka synimin të riekportoje produktet kompensuese parësore nga territori doganor i Republikës së Shqipërisë. Në keto raste, përdorimi i sistemit me pezullim mund të autorizohet për të gjitha mallrat që do të përpunohen.
2. Autorizimi për të përdorur sistemin e rimbursimit jepet vetëm në rastet të cilave u referohet neni 145 i Kodit, kur ekzistojnë mundësitë për të eksportuar jashtë territorit doganor të Republikës së Shqipërisë produktet kompensuese parësore.
3. Kur plotësohen kushtet për përdorimin e të dy sistemeve, kërkuesi mund të kërkojë që autorizimi të jetë parashikuar si sistemin me pezullim ashtu edhe për atë me rimbursim.
4. Për qëllim të nenit 138 (b) të Kodit, autoritetet doganore duhet të caktojnë mënyrat e identifikimit të mallrave të importit në produktet kompensuese. Autoritetet doganore duhet të përdorin kryesisht mënyrat e mëposhtme, sipas rastit:
  - a) tregimin ose përshkrimin e markave të vecanta ose numrave të fabrikimit;
  - b) vendosjen e plumbcit, vulave, shenjave lidhëse;
  - c) marrje mostrash, ilustrime, ose përshkrime teknike;
  - d) kryerje analizash;
  - e) shqyrtimin e regjistrave të magazinimit ose dokumente të tjerë mbështetës lidhur me transaksionin në fjalë, të cilët tregojnë qartë që produktet kompensuese janë prodhuar nga

---

<sup>1</sup> Shiko nenin 2(8). Ky tekst është rishikuar këtu për lehtësi përdorimi të termave të përkufizuar.

mallrat e importit.

Neni 275

1. Kushtet ekonomike të përshkruara në nenin 138 (b) të Kodit gjykohen të plotësuara mes të tjerash kur:

- a) përpunimi konsiston në njërin prej veprimeve të mëposhtëm me kodet perkatese:
  - i) veprime të kryera në kuadrin e punimit në bazë të një kontratë porosie, kontraktuar me një person i cili është i vendosur në një vend tjetër. “Kontrate porosie” do të thotë çdo përpunim kryer në bazë të udhëzimeve dhe për llogari të një personi të vendosur jashtë territorit doganor të Republikës së Shqipërisë, zakonisht vetëm kundrejt pagesës së shpenzimeve të transformimit të mallrave të importuara drejtpërdrejt ose tërthorazi të vendosura në dispozicion të mbajtësit të autorizimit (kodi 6201);
  - ii) operacione lidhur me mallra me natyrë jo tregtare (kodi 6202);
  - iii) riparime, përfshi këtu edhe kontrolle dhe riparime kapitale (kodi 6301);
  - iv) forma të zakonshme trajtimi me synim ruajtjen e mallrave, përmirësimin e paraqitjes ose cilësisë të tregtimit ose përgatitjen e tyre për shpërndarje ose rishitje (kodi 6302) ,
  - v) operacione lidhur me mallra, vlera e të cilave në bazë të Kodit 8 shifror të nomeklataturës së kombinuar, nuk kalon shumë më 50 000 000 Lekë për çdo kërkues e për çdo vit kalendarik, pavarësisht nga numri i operatoreve që kryejnë veprime përpunimi. Kjo vlerë është vlera doganore e mallrave e përcaktuar në bazë të dhënash të njohura dhe dokumentave të paraqitura në kohën kur depozitohet kërkesa. Kjo pikë mund të moszbatohet për mallra importi, të caktuara me urdhër të Ministrit të Financave (6400),
  - vi) operacione përpunimi të kryera në zona të lira ose në magazina të lira ;
- b) kur në Republikën e Shqipërisë nuk prodhohen mallra të krahasueshme; “mallra të krahasueshme” do të thotë mallra që klasifikohen në të njëjtin kod 8 shifror të Nomenklaturës së Kombinuar, që paraqesin te njëjtat cilesi tregtare dhe kanë te njëjtat karakteristika teknike, në krahasim me produktet kompensuese (kodi 6101);
- c) kur mallra të krahasueshme të perkufizuara në shkronjën (b) me sipër nuk prodhohen në Republikën e Shqipërisë në sasi të mjaftueshme (kodi 6102);
- d) kur mallra të krahasueshme të perkufizuara në shkronjën (b) me sipër nuk mund të vihen në dispozicion të kërkuesit nga prodhuesi të vendosur në Republikën e Shqipërisë brenda afatesh të pershtatshme. Keto mallra quhet se nuk janë paraqitur brenda “afatesh të pershtatshme” në rast se prodhuesi të vendosur në Republikën e Shqipërisë nuk mund t’i vënë mallrat e krahasueshme në dispozicion të operatorit në afatin e duhur për kryerjen e operacionit tregtar, megjithatë kërkesa perkatese është bere në kohën e duhur (6103);
- e) kur mallra të krahasueshme, të perkufizuara në shkronjën (b) me sipër nuk prodhohen në Republikën e Shqipërisë, por që nuk mund të perdoren për arsye se:
  - i) çmimi i tyre e ben ekonomikisht të pamundur veprimin tregtar të parashikuar, duke patur parasysh (6104):
    - nga njëra anë, përpara kryerjes se formaliteteve doganore, çmimin perkates të mallrave të destinuara t’i nenshtrohen përpunimit aktiv dhe çmimin e mallrave të krahasueshme të prodhuara në Republikën e Shqipërisë me detyrimet e brendshme të rimbursuara ose për t’u rimbursuar me rastin e eksportimit të mallrave. Për krahasimin e çmimeve të mesiperme mbahen parasysh edhe kushtet e shitjes se mallit, në vecanti kushtet e pageses dhe të dorezimit të parashikuara për mallra shqiptare,
    - nga ana tjetër, çmimin që mund të merret për produktet kompensuese në tregun e një vendi të trete,  
ose
  - ii) nuk kanë cilesite ose karakteristikat e nevojshme për të mundësuar operatorin të prodhojë produktet kompensuese të kerkuara (6105),
  - iii) nuk perputhen me kërkesat e shprehura nga bleresi i produkteve kompensuese (6106);

- iv) produktet kompensuese duhet te perftohen prej mallrave te importit ne menyre qe te respektohen dispozitat lidhur me mbrojtjen e te drejtave te pronesise industriale (6107);
  - f) kur per një lloj te vecante malli per t'u vendosur nen regjim brenda një afati te caktuar, kerkuesi i autorizimit:
    - i) përpiqet te parandaloje probleme furnizimi per ate lloj malli, te cilat duhet ti provohen bindshëm autoriteteve doganore, dhe nese pjesa e furnizimit te mallit te prodhuar ne Republikën e Shqipërisë është 80% me e ulet sesa nevojat e tij (7002);
    - ii) provon perpara autoriteteve doganore qe ka marre masat e nevojshme per te marre furnizim me mallrat per t'u perpunuar brenda Republikës së Shqipërisë, por nuk ka marre asnjë pergjigje nga prodhuesit shqiptare(7002);
2. Kerkuesi duhet te tregojte ne kerkese arsyet per te cilat ne kuptimin e paragrafit 1, kushtet ekonomike jane permbushur.

*Neni 276*

1. Në rrethana të jashtëzakonshme, kur kërkesi gjykon që jane permbushur kushtet ekonomike per arsye te ndryshme nga ato te permendura me siper, ai duhet te paraqese keto arsye ne kerkesen perkatese (kodi 8000).
2. Kur autoritetet doganore gjykojne qe kushtet ekonomike jane permbushur ne raste te tjera prej atyre te permendura me siper, autorizimi jepet per një periudhe te kufizuar, jo me te gjate se 9 muaj. Autoritetet doganore, me kerkese të mbajtesit të autorizimit, mund te zgjasin periudhen e vlefshmerise.

*Neni 277*

1. Pa rënë ndesh me procedurën e thjeshtëzuar, kërkesa të cilës i referohet neni 276 bëhet në perputhje me nenin 234 dhe sipas modelit te pasqyruar ne Aneksin 27 dhe paraqitet nga personi te cilit i jepet autorizimi.
2. Kerkesa i paraqitet Drejtorit të Përgjithshem te Doganave.
3. Për qëllim të fjalise se dyte te nenit 138 (a) te Kodit, “*importe te natyres jo tregtare*” do të thotë importi i mallrave sipas nenit 1(5).

*Neni 278*

1. Pa rënë ndesh me procedurën e thjeshtëzuar për autorizimin, autorizimi lëshohet nga Drejtoria e Përgjithshme e Doganave dhe përpilohet sipas modelit të pasqyruar ne Aneksin 32. Ai nenshkruhet dhe i vendoset data. Autorizimet hyjne ne fuqi në datën e lëshimit. Megjithatë, ne raste te jashtezakonshme, Drejtori i Përgjithshëm i Doganave mund të lëshojë autorizime me fuqi prapavepruese. Sidoqofte, efekti prapaveprues i një autorizimi të tillë nuk mund të kaperceje ditën kur është depozituar kërkesa. Autorizimet mund te mbulojnë edhe me shume se një vendosje mallrash në regjimin e kerkuar.
2. Cdo autorizim duhet të shoqërohet nga një formular i quajtur **Regjister Importi për Përpunimin Aktiv** që është pjesë përbërëse e cdo autorizimi, modeli i së cilës paraqitet ne Aneksin 32. Çdo vendosje e mallrave në regjim duhet të regjistrohet në këtë formular në përputhje me udhëzimet e nxjerra nga Drejtoria e Përgjithshme e Doganave.
3. (a) per te siguruar zbatimin e sakte te dispozitave që rregullojne regjimin, autoritetet doganore mund t'i kerkojne mbajtesit te autorizimit te mbaje ose te siguroje mbajtjen e regjistrave te magazinimit te mallit, që tani e në vijim do të quhen shkurt “*regjistra te perpunimit aktiv*”, te cilat tregojne sasine e mallrave te importuara te vendosura nen regjim dhe sasine e produkteve kompensuese te perftuara, si dhe gjithe hollesite e nevojshme per kontrollin e operacioneve dhe perllogaritjen e sakte te detyrimeve doganore te importit te cilat duhet të paguhen;
- (b) “regjistrat e perpunimit aktiv” duhet te vihen ne dispozicion te zyres doganore mbikqyrese ne menyre qe kjo e fundit te mund te kryeje kontrollet e nevojshme per te siguruar zbatimin e duhur te regjimit. Kur operacionet e perpunimit kryhen ne më shume se një ndermarrje, regjistrat e magazinimit te mallit duhet te tregojne ne cdo kohe informacionin që lidhet me zbatimin e regjimit ne cdo ndermarrje.

*Neni 279*

Periudha e vlefshmerise se autorizimit vendoset nga Drejtoria e Pergjithshme e Doganave ne baze te kushteve ekonomike dhe nevojave te vecanta te kerkuesit. Kur periudha gjate se ciles është i

vlefshem autorizimi është me e gjate se tre vjet, kushtet ne baze te te cilave është leshuar autorizimi rishikohen periodikisht ne intervalet e caktuara ne autorizim.

*Neni 280*

1. Kur leshon një autorizim, Drejtorja e Përgjithshme e Doganave përcakton edhe afatin brenda te cilit produktet kompensuese duhet te rieksporthen ne perputhje me nenin 139 te Kodit, duke marre parasysh kohen e nevojshme per te kryer operacionet e perpunimit sic tregohet në autorizim per një sasi te caktuar mallrash, sasine e autorizuar te mallrave te importuara në regjim, si dhe kohen brenda te ciles produkteve kompensuese u duhet caktuar një destinacion doganor.
2. Kur mbajtesi i autorizimit ben një kerkese te arsyetuar per zgjatje afati, Drejtorja e Përgjithshme e Doganave mund te zgjase afatin e caktuar per rieksportim.

*Neni 281*

Afati brenda te cilit produktet kompensuese duhet te rieksporthen fillon nga data e pranimit te deklarates per vendosjen e mallrave nen regjim, ose në sistemin me rimbursim, nga dita e pranimit te deklarates per vendosjen e mallrave ne qarkullim te lire.

*Neni 282*

1. Koeficienti i shfrytëzimit sic është perkufizuar ne nenin 136(2)(e) te Kodit ose menyra e percaktimit te koeficientit te permendur ne nenin 140 te Kodit vendoset per aq sa është e mundur ne baze te te dhenave te prodhimit dhe duhet te jetë i identifikueshëm ne regjistrat që mbahen nga operatori.
2. Koeficienti ose menyra e percaktimit te tij caktohet ne baze te paragrafit 1 dhe i nenshtrohet verifikimit te mëvonshëm nga autoritetet doganore.

*Neni 283*

1. Koeficientet standarte te shfrytëzimit te cilave u referohet paragrafi 2 zbatohen vetëm per mallrat e importit cilesitë e të cilave janë në përputhje me standardet e cilësisë te percaktuara nga lrgjislacioni shqiptar përkatës.
2. Kur kryhen operacione të përpunimit aktiv mbi mallrat e importuara që renditen në kolonën 1 të Aneksit 39, që japin si rezultat produkte kompensuese të renditura në kolonat 3 dhe 4, atëherë si koeficient standart të shfrytëzimit do te merren ato të pasqyruara në kolonën 5 të këtij Aneksi.

*Neni 284*

1. Një procedurë e thjeshtëzuar autorizimi mund të ndiqet për rastet e mëposhtme:
  - a) operacione që përfshijnë mallra të natyrës jo tregtare;
  - b) riparime, përfshirë kontrole të përgjithshme dhe riparime;
  - c) operacione përpunimi të kryera në zonë të lirë ose në magazina të lira.
2. Në këto raste cdo zyre doganore e autorizuar nga Drejtorja e Përgjithshme e Doganave për të dhene autorizime duke përdorur procedurën e thjeshtuar, lejon depozitimin e një deklarate për vendosje nën regjim, në kuadrin e sistemit me pezullim, ose depozitimin e deklarates për vendosjen në qarkullim të lire me sistemin me rimbursim që në këtë rast do te luaje rolin e kërkëses per autorizim. Në raste të tilla, pranimi i deklarates përbën dhënien e autorizimit.
3. Deklaratat e paraqitura sipas paragrafit 2, me përjashtim të rasteve kur këto të dhëna mund të shënohen në kutinë 44 të formularit të përdorur për vetë deklaraten, shoqërohen nga një dokument i paraqitur nga vetë deklaruesi e që përmban të dhënat e mëposhtme:
  - a) emrin ose emrin e shoqërisë dhe adresën e kërkuesit, kur personi që ben kërkesë për të përdorur një regjim nuk është vetë deklaruesi;
  - b) emrin e shoqërisë dhe emrin ose adresën e operatorit kur operatori nuk është vetë kerkuesi ose deklaruesi;
  - c) natyrën e veprimeve të përpunimit;
  - d) përshkrimin tregtar dhe/ose teknik të produkteve kompensuese;
  - e) koeficientin e shfrytëzimit të parashikuar dhe kur është rasti, mënyra me të cilën ky koeficient duhet të përlogaritet;

- f) koha e parashikuar për rieksporim;
  - g) vendi ku mendohet të kryhen veprimet e përpunimit.
4. Depozitimi i deklaratës në kuadër të procedurave të thjeshtuara për kërkesat e nënshkruar nga kërkuesi duhet të tregojë që personi i interesuari dëshëron të përdorë regjimin doganor të kërkuar dhe pa rënë ndesh me zbatimin e mundshëm të legjislacionit penal, sipas ligjeve në fuqi personi është përgjegjës për:
- a) saktësinë e të dhënave në deklaratë;
  - b) vërtetësinë e dokumentave që e shoqërojnë deklaratën; dhe
  - c) përmbushjen e gjithë detyrimeve lidhur me regjimin doganor për të cilin është bërë kërkesë.
5. Autoritetet doganore, nëse është rasti mbajnë deklaratën me anekset përkatëse, bashkë me autorizimet e lëshuara,.
6. Kur jepet një autorizim, kërkesa, anekset dhe autorizimi mbahen nga autoritetet doganore për të paktën 3 vjet nga fundi i vitit kalendarik në të cilin skadon autorizimi.
7. Kur refuzohet një kërkesë, ose autorizimi anulohet ose shfuqizohet, kërkesa dhe ose vendimi refuzues ose autorizimi, sipas rastit, dhe gjithë anekset mbahen nga autoritetet doganore për të paktën 3 vjet nga mbarimi i vitit kalendarik në të cilin u refuzua kërkesa ose u anulua apo revokua autorizimi.

### Seksioni 3

#### Dispozita lidhur me sistemin me pezullim

##### *Neni 285*

1. Deklarata për vendosjen e mallrave për përpunim aktiv (sistemi me pezullim) depozitohet në një rënë nga zyrat doganore të vendosjes nën regjim sic tregohet në autorizim.
2. Kur përdoret procedura e thjeshtuar, deklarata e përmendur në paragrafin 1 duhet të depozitohet në zyrën doganore të autorizuar për këtë qëllim.

##### *Neni 286*

1. Deklarata për vendosjen e mallrave nën regjimin e përpunimit aktiv (sistemi me pezullim) bëhet në përputhje me nenet nga 121 deri 161.
2. Pa rënë ndesh me procedurën e thjeshtuar për kërkesat, përkrahimi i mallrave në deklaratën e përmendur në paragrafin 1 duhet të përputhet me specifikimet e dhëna në autorizim.
3. Çdo deklaratë importi duhet të përmbajë kodin IM 5 në kutinë 1 të deklaratës dhe numrin e datën e autorizimit për përpunim aktiv në kutinë 44. Formulari Regjistri i Eksportimit për Përpunim Aktiv siç është përshkruar në Aneksin 32 duhet të lëshohet për çdo deklaratë që vendos mallrat në regjim dhe është pjesë përbërëse e kopjes së deklaratës që mbahet nga autoritetet doganore. Të gjitha eksportet duhet të regjistrohen në këtë formular në përputhje me udhëzimet e nxjera nga Drejtoria e Përgjithshme e Doganave. Kopja e deklaratës së importit që mban dogana së bashku me të gjithë dokumentat që i bashkëngjiten, do të mbahen pas çlirimit të dërgesës në një dosje të vecantë për çdo shoqëri të autorizuar të përdorë regjimin e përpunimit aktiv.
4. Për qëllim të nenit 87 (2) të Kodit, dokumentet që shoqërojnë deklaratën janë ato që parashikohen në nenin 145.

##### *Neni 287*

1. Në vijim të nenit 112 të Kodit, regjimi i përpunimit aktiv (sistemi me pezullim) mbyllet kur produktet kompensuese ose mallrat në gjendje të pandryshuar janë deklaruar për një destinacion të ri doganor dhe janë respektuar gjithë kushtet e tjera për përdorimin e regjimit.
2. Në funksion të mbylljes së regjimit të përpunimit aktiv (sistemi me pezullim), quhet eksport nga territori doganor i Republikës së Shqipërisë dërgimi i produkteve kompensuese personave që përfitojnë përjashtime nga detyrimi doganor, në bazë të Konventës së Vjenës datë 18 prill 1961 mbi Marrëdhëniet Diplomatike, Konventës së Vjenës të datës 24 prill 1963 për Marrëdhëniet Konsullore dhe konventa të tjera me përmbajtje konsullore, ose Konventa e New York e datës 16 dhjetor 1969 mbi Misionet Speciale.

3. Mbyllja e regjimit kryhet ose mbi bazën e sasisë së mallrave të importit të cilave u korrespondojnë produktet kompensuese të cilave u është caktuar njëri nga destinacionet doganore të përmendura në paragrafin 1 ose 2, ose mbi bazën e sasisë së mallrave në gjendje të pandryshuar, të cilave u është caktuar njëri prej destinacioneve në fjalë.

4. Deklarata për vendosjen e produkteve kompensuese ose mallrave në gjendje të pandryshuar në njërin prej destinacioneve doganore përmban gjithë hollësitat që nevojiten për mbylljen e procedurës.

#### *Neni 288*

1. Kur për shkak rrethanash të paparashikueshme ose force madhore, natyra dhe /ose karakteristikat teknike të mallrave të importit pesojnë ndryshime për shkak të cilave nuk mund të përftoheshin produktet kompensuese për të cilat është leshuar një autorizim perpunimi aktiv (sistemi me pezullim), mbajtësi i autorizimit duhet të njoftojë menjëherë zyrën doganore mbikqyrese për sa ka ndodhur.

2. Në rastet kur ndryshimi në fjalë mund të çojë mbajtjen e autorizimit ose thelbin e tij, paragrafi 1 përdoret vetëm nëse nuk bie ndesh me nenet 20 dhe 110 (2) të Kodit.

3. Ky nen zbatohet *mutatis mutandis* edhe për produktet kompensuese.

#### *Neni 289*

1. Pa rënë ndesh me masat e politikës tregtare që zbatohen për mallrat e importit, vendosja në qarkullim të lirë e mallrave në gjendje të pandryshuar ose produkteve kompensuese parësore lejohet vetëm kur personi i interesuar nuk është në gjendje t'u caktojë këtyre mallrave ose produkteve një destinacion doganor i cili lejon të mos paguhet detyrime doganore importi. Në këtë rast vendosja në qarkullim të lirë sjell si pasojë që mallrat i nënshtrohen pageses së interesit kompensues.

2. "*Interes kompensues*" do të thotë interesi të cilit i referohet nenin 229 (3) i Kodit, i përlllogarit në përputhje me nenin 293.

#### *Neni 290*

1. Produktet kompensuese ose mallrat në gjendjen të pandryshuar, të cilëve duhet t'u caktohet një destinacion doganor, paraqiten në zyrën e mbylljes së regjimit, në mënyrë që t'i nënshtrohen formaliteteve doganore të destinacionit doganor në fjalë sipas dispozitave të përgjithshme të zbatueshme për rastin.

2. Deklarata për mbylljen e një regjimi të përpunimit aktiv (sistemi me pezullim) depozitohet në zyrën doganore mbikqyrese të caktuar në autorizim.

#### *Neni 291*

1. Deklarata për mbylljen e regjimit të përpunimit aktiv (sistemi me pezullim) perpilohet në përputhje me dispozitat që rregullojnë destinacionin doganor përkatës.

2. Përshkrimi i produkteve kompensuese ose mallrave në gjendje të pandryshuar në deklaratën e mbylljes së regjimit duhet të përputhet me veçantitë e autorizimit.

3. Për qëllim të nenit 87 (2) të Kodit, dokumentet që shoqërojnë deklaratat mbyllëse, janë ato dokumenta, paraqitja e të cilave nevojitet për të vendosur mallrat nën regjimin e kërkuar.

#### *Neni 292*

1. Detyrimet e importit që duhet të paguhet sipas nenit 141 (1) të Kodit mbi mallrat e importit, në kuadër të një trajtimi tarifor favorizues për arsye të përdorimit të tyre veçantë, do të përlllogariten, edhe pse nuk është kërkuar ndonjë autorizim për trajtim të veçantë, me tarifën që i korrespondon këtij trajtimi në kohën kur deklarata për vendosje në regjim ka qënë pranuar, me kusht që të jenë plotësuar të gjitha kërkesat në lidhje me dhënien.

2. Paragrafi 1 zbatohet vetëm kur mallrat kanë qënë vendosur në përdorimin e vecantë që i cilëson ato për trajtim tarifor favorizues përpara përfundimit të afatit kohor të vendosur për këtë qëllim nga dispozitat që rregullojnë kushtet në të cilat këtyre mallrave mund t'u jepet trajtimi në fjalë. Afati kohor fillon nga casti i pranimit të deklaratës për vendosje në regjim. Ai mund të zgjatet nga autoritetet doganore, kur mallrat nuk kanë qënë vendosur dot në përdorimin e vecantë në fjalë për shkak të rrethanave të paparashikuara, forcave madhore, ose kërkesave të pashmangshme teknike të operacioneve përpunuese.

#### *Neni 293*

Në përputhje me nenin 143 të Kodit, kur produktet kompensuese vendosen në qarkullim të lirë, dhe borxhi doganor përlllogaritet në baze të elementeve perkates të taksimit të mallrave të importit, kutitë 15, 16, 34 dhe 41 të deklarates duhet t'i referohen mallrave të importit.

*Neni 294*

Shkatërrimi i produkteve kompensuese nën kontrollin doganor trajtohet si eksport prej territorit doganor të Republikës së Shqipërisë.

*Neni 295*

1. Kur lind një borxh doganor lidhur me produkte kompensuese ose mallra në gjendjen e tyre të pandryshueshme, interesi kompensues duhet të paguhet në bazë të detyrimit doganor të importit që zbatohet në rastin konkret.
2. Paragrafi 1 nuk zbatohet kur:
  - a) borxhi doganor lind si rezultat i zbatimit të një trajtimi tarifor preferencial, në kuadër të një marreveshjeje midis Republikës së Shqipërisë dhe një vendi tjetër, lidhur me importet për në atë vend;
  - b) hedhurinat dhe mbetjet të cilat dalin prej shkatërrimit në kuadrin e nenit 197 të Kodit, janë vendosur në qarkullim të lirë;
  - c) interesi kompensues që përlllogaritet sipas paragrafit 4 nuk kapërcen 2 000 Lekë për deklaratë për vendosje në qarkullim të lirë;
  - d) mbajtësi i autorizimit kërkon vendosje në qarkullim të lirë dhe paraqet prova që rrethana të caktuara, të cilat nuk janë pasojë e ndonjë neglizhence ose hileje nga ana e tij, e bëjnë të pamundur ose joekonomike kryerjen e veprimeve të eksportit në kushtet që ai kishte planifikuar kur kishte paraqitur kërkesë për autorizim;
  - e) lind një borxh doganor, si rezultat i një kerkese për vendosje në qarkullim të lire sipas nenit 149 të Kodit, për sa kohë që detyrimet doganore të importit të produkteve në fjalë nuk janë rimbursuar ose shuar.
3. (a) Niveli i interesit vjetor përcaktohet nga Ministri i Financave në bazë mesatare aritmetike të niveleve afat shkurtër përfaqësuese të të njëjtit 6 muajor të vitit të mëparshëm. Ato zbatohen për gjithë borxhin doganor të lindur gjatë një periudhe 6 muajore. Niveli i interesit duhet të botohet të paktën një muaj përpara se të bëhet i zbatueshëm.
  - (b) Interesat zbatohen në baze mujore dhe për periudhën që fillon nga dita se parë e muajit që ndjek muajin në të cilin është pranuar deklarata e importit deri në ditën e fundit të muajit në të cilin ka lindur borxhi doganor. Kur sipas nenit 149 (4) të Kodit është kërkuar vendosje në qarkullim të lirë, periudha që merret në konsideratë është ajo që fillon nga dita e parë e muajit që ndjek muajin në të cilin u rimbursuan ose u shuan detyrimet doganore përkatëse deri në ditën e fundit të muajit në të cilin lindi borxhi doganor;
  - (c) Shuma e interesit përlllogaritet në baze të detyrimeve të importit, në baze të nivelit të interesit të referuar më sipër në paragrafin (a), dhe në baze të periudhës të referuar më sipër në paragrafin (b).
4. Në raste të veçanta, me vendim të Drejtorisë së Përgjithshme të Doganave, mund të përdoren metoda të thjeshtuara me kërkesën e personit të interesuar për llogaritjen dhe kontabilizimin e interesave kompensuese.

*Neni 296*

1. Kur është nevoja që të përcaktohen detyrimet doganore të importit që duhen paguar, ato llogariten sipas pjesës së mallrave të importit të trupëzuara në produktet kompensuese. Kjo përlllogaritje nuk kryhet, veçanërisht kur, mes të tjerash, shumat e detyrimit doganor përcaktohet vetëm në bazë të nenit 143 të Kodit.
2. Përlllogaritjet kryhen në përputhje ose me metodën sasiore, ose me metodën e llogaritjes sipas vlerës, ose me mënyra të tjera që japin të njëjtin rezultat në bazë të shembujve të pasqyruar në Aneksin 40.

*Neni 297*

Metoda e matjes sasiore (produkte kompensuese) përdoret kur nga operacionet e perpunimit aktiv del një lloj i vetëm produktesh kompensuese. Në këtë rast, sasia e mallrave të importit që i korrespondon sasisë së produkteve kompensuese për të cilat ka lindur një borxh

doganor, perlllogaritet duke zbatuar per sasine totale te mallrave ne fjale, një koeficient i cili i korrespondon raportit mes sasise te produkteve kompensuese per te cilat ka lindur një borxh doganor, dhe sasise totale të produkteve kompensuese.

*Neni 298*

1. Metoda e matjes sasiore (mallra importi) do të zbatohet kur të gjithë elementët e mallrave të importuara gjenden në secilin prej produkteve kompensuese.
2. Për të vendosur nëse zbatohet kjo metodë, nuk merren parasysh frot.
3. Sasia e mallrave te importit, te perdorura ne prodhimin e cdo produkti kompensues, percaktohet duke zbatuar në mënyrë të njëpasnjëshme mbi sasinë të mallrave te importuara një koeficient, që i korrespondon raportit të sasise se mallrave ne fjale që gjenden ne secilin lloji të produkteve kompensuese me sasise totale te këtyre mallrave të gjendura në produktet kompensuese në tërësi.
4. Sasia e mallrave te importit të cilat i korrespondojne sasisë së produkteve kompensuese lidhur me të cilat lind një borxh doganor, përcaktohet duke zbatuar koeficientin që i korrespondon raportit të sasisë së produkteve kompensuese, në lidhje me të cilët lind një borxh doganor, me sasinë e mallrave të importuara të përdorura në fabrikimin e produkteve në fjalë përlllogaritur në përputhje me paragrafin e tretë më sipër.

*Neni 299*

1. Kur nuk zbatohet metoda e matjes sasiore, për gjithë rastet zbatohet metoda e matjes ne baze vlere.
2. Ne menyre që te percaktohet sasia e mallrave te importit te perdorura ne fabrikimin e cdo lloj produkti kompensues, koeficientët e njëpasnjëshëm që i korrespondojnë raportit mes vleres se cdo produkti kompensues, dhe vleres totale te ketyre produkteve, perlllogaritur ne perputhje me paragrafin 3, do të zbatohen per sasine totale të mallrave te importit .
3. Vlera e secilit prej produkteve kompensuese per t'u perdorur per zbatimin e metodes se matjes mbi bazën e vlerës është:
  - a) cmimi i fundit i shitjes se produkteve te ngjashme ose identike ne Republikën e Shqipërisë, me kusht që ky cmim te mos jete ndikuar nga marredhenia mes bleresit dhe shitesit, ose,
  - b) kur një cmim i tille nuk njihet,
  - c) cmimi i fundit *ex ëorks* ne Republikën e Shqipërisë, me kusht që ky cmim te mos jete ndikuar nga marredhenia mes bleresit dhe shitesit.

Kur vlera nuk mund te percaktohet duke zbatuar metodat e mesiperme, ajo percaktohet nga zyra doganore mbikqyrese duke perdorur një metode te arsyeshme.

4. Sasia e mallrave të importuara që i korespondon sasisë së produkteve kompensuese në lidhje me të cilat ka lindur një borxh doganor do të llogaritet duke zbatuar koeficientin që gjendet nga përdorimi i metodës së matjes sasiore për produktet kompensuese, mbi sasinë e mallrave të importuara që janë përdorur në fabrikimin e produkteve në fjalë, përlllogaritur në përputhje me paragrafin 2.

*Neni 300*

1. Mbajtësi i autorizimit duhet të paraqesë zyrën doganore mbikqyresë dokumentin e mbylljes së regjimit.
2. Dokumenti i mbylljes se regjimit mes te tjerash duhet te permbajë:
  - a) referencat e autorizimit;
  - b) sasine e cdo lloj malli importi dhe referencat e deklaratave per vendosjen e tyre ne regjim;
  - c) kodin e nomenklatures se kombinuar te mallrave te importit;
  - d) vleren doganore të mallrave te importit dhe nivelin e detyrimeve doganore te importit per mallrat ne fjale;
  - e) koeficientin e caktuar te shfrytezimit;
  - f) natyren dhe sasine si dhe destinacionin doganor që iu është dhene produkteve kompensuese, bashke me referencat e deklaratave ne baze te te cilave produkteve kompensuese iu është dhene një destinacion përkatës doganor;



- g) vleren e produkteve kompensuese, nese per mbylljen e regjimit perdoret metoda e matjes ne baze të vlerës;
3. Dokumenti i mbylljes se regjimit i dergohet zyres mbikqyrese brenda 30 ditësh nga mbarimi i afatit të caktuar per rieksporimin.
4. Zyra doganore mbikqyrese mund të bjere dakord që dokumenti i mbylljes se regjimit të behet me sisteme informatike ose ne cdo forme tjetër që pranon zyra perkatëse.

*Neni 301*

Zyra mbikqyrese bën shenimet përkatëse ne dokumentin e mbylljes se regjimit mbi bazën e verifikimit të kryer, duke informuar, nëse është e nevojshme, mbajtësin e autorizimit për rezultatin e verifikimit, dhe ruan dokumentin e mbylljes se regjimit dhe dokumentet që lidhen me të per të paktën 3 vjet kalendarike nga data në të cilën është hartuar dokumenti.

*Neni 302*

1. Kur mallrave të importit iu është caktuar një regjim nepermjet të njëjtit autorizim, por me ane disa deklaratave, produktet kompensuese ose mallrat ne gjendjen e tyre të pandryshuar, të cilave u është dhënë një destinacion doganor, konsiderohen të perftuara nga mallrat e importit të vendosura nen regjim ne baze të deklaratës më të parë.
2. Paragrafi 1 nuk zbatohet kur mbajtësi i autorizimit është në gjendje të tregojë mallrat e importit nga të cilat janë përftuar produktet kompensuese ose mallrat në gjendje të pandryshuar, të përmendura në paragrafin 1.

*Neni 303*

Kur kërkesa për autorizim ka për objekt mallra të cilat u nënshtrohen masave të politikës tregtare, nuk është e nevojshme të paraqitet ndonjë licencë, autorizim ose dokument tjetër i ngjashëm në kohën kur depozitohet kërkesa.

*Neni 304*

1. Kur legjislacioni shqiptar parashikon masa të vecanta të politikës tregtare për:
- a) vendosjen e mallrave në qarkullim të lirë, masat në fjalë nuk do të zbatohen për vendosjen e mallrave në regjimin e perpunimit aktiv, për aq kohe sa mallrat mbeten nen atë regjim;
  - b) mallrat e sjella ne territorin doganor të Republikës së Shqipërisë, masat ne fjale zbatohen kur mallrat e importit vendosen nen regjimin e perpunimit aktiv.
2. Kur zbatohet paragrafi 1(a), nuk është e nevojshme paraqitja e një licence, autorizimi ose dokumenti tjetër perkatës ne kohen e vendosjes nen regjim.
3. Pa rene ndesh me masat e politikës tregtare që zbatohen për eksportimin e mallrave që kanë origjinë ne Republikën e Shqipërisë, rieksporimi i mallrave jo shqiptare të vendosura nën regjim nuk sjell zbatimin e masave të politikës tregtare lidhur me eksportin e mallrave në gjendjen të pandryshuar ose produkteve kompensuese.

*Neni 305*

Vendosja ne qarkullim të lire e mallrave të importit, si ne trajtën e mallrave ne gjendjen e tyre të pandryshuar, ashtu edhe ne trajtën e produkteve kompensuese i nenshtrohet zbatimit, nga ana e autoriteteve doganore, të cdo mase mase të politikës tregtare ne fuqi per mallrat e importit ne kohen kur u pranua deklarata per vendosjen e mallrave ne qarkullim të lire.

*Neni 306*

1. Kur produktet kompensuese ose mallrat ne gjendjen e tyre të pandryshuar vendosen ne një zone të lire ose magazine të lire, duke mundesuar mbylljen e regjimit të perpunimit aktiv, kutia 31 e dokumentit administrativ të vetëm, pervec të dhenave të shenuara lidhur me regjimin perkatës, duhet të permbaje edhe shenimin : *“Mallra per perpunim aktiv - me pezullim”*, shkruar me bojë të kuqe.
2. Kur mallrat e importit të vendosura nen regjim duke perdorur sistemin me pezullim u nenshtrohen masave të politikës tregtare dhe masa të tilla vazhdojne të zbatohen ne kohen kur mallrat, ne gjendjen e tyre të pandryshuar ose ne trajtën e produkteve kompensuese, janëvendosur nen një regjim doganor ose ne një zone të lire apo magazine të lire, shenimi të cilit i referohet paragrafi 1 duhet të ndiqët nga shënimi: *“Politike tregtare”*, shkruar me bojë të kuqe.
3. Zyra doganore e mbylljes duhet të bindet që shenimet të cileve i referohen paragrafët 1 dhe 2 jane janë bërë sic duhet në secilin nga dokumentet e leshuara per të zevendesuar ose mbyllur dokumentet të cilave u referohen keto paragrafe.

*Neni 307*

1. Autoritetet doganore lejojnë që produktet kompensuese ose mallrat ne gjendje të pandryshuar të transferohen nga mbajtësi i një autorizimi tek mbajtësi i një autorizimi tjetër, me kusht që transferimi të regjistrohet ne librat e perpunimit aktiv të mbajtësit të parë.
2. Përgjegjësia për mallrat ose produktet e transferuara i kalon mbajtësit të autorizimit të dytë në kohën në të cilën ai merr në dorëzim mallrat ose produktet në fjalë, dhe i regjistron ato ne regjistrat e perpunimit aktiv.
3. Keto shenime ne regjistrat e perpunimit aktiv kane efekt të njëjtte me vendosjen e mallrave ose produkteve serish nen regjim ne emer të mbajtësit të autorizimit të dytë.

*Neni 308*

Mbajtësi i autorizimit është përgjegjës për t'u derguar paraprakisht autoriteteve doganore njoftimin mbi transferimin që do të kryhet, ne formen dhe ne menytrat e percaktuara nga autoritetet doganore.

**Seksioni 4**

**Dispozita të zbatueshme për sistemin me rimbursim**

*Neni 309*

Deklarata për vendosjen e mallrave ne qarkullim të lire në kuadër të sistemit me rimbursim depozitohet ne një nga zyrat e specifikuara ne autorizim për vendosjen e mallrave ne regjimin e përpunimit aktiv.

*Neni 310*

1. Deklarata për vendosjen e mallrave ne qarkullim të lire në kuadër të sistemit me rimbursimit behet ne perputhje me nenet nga 121 deri 161.
2. Pa rene ndesh me proceduren e thjeshtuar për kerkesat, pershkrimi i mallrave, që është dhene ne deklaratën që i referohet paragrafit 1, duhet t'i korrespondoje sqarimeve të autorizimit.
3. Për qëllim të nenit 87 (2) të Kodit, dokumentat që shoqërojnë deklaratën jane ato që parashikohen ne nenin 145.
4. Çdo deklaratë importi duhet të përmbajë kodin IM 5 në kutinë 1 të deklaratës si dhe numrin dhe datën e autorizimit për përpunim aktiv në kutinë 44. Formulari Regjistër i Përpunimit Aktiv për Eksportin, modeli i të cilit është paraqitur në Aneksin 32, duhet të lëshohet për cdo deklaratë që vendos mallrat në regjim dhe formon një pjesë përbërëse të kopjes së deklaratës që mbahet nga autoritetet doganore. Të gjitha eksportet duhet të regjistrohen në këtë formular në përputhje me udhëzimet që do të nxjerrë Drejtoria e Përgjithshme e Doganave. Deklarata e importit sëbashku me të gjitha dokumentet që i bashkangjiten duhet që, pas çlirimit të dërgesës, të ruhen në një dosje të veçantë për secilën nga shoqëritë e autorizuara për të përdorur regjimin e përpunimit aktiv.

*Neni 311*

Për qëllim të mbylljes se regjimit të perpunimit aktiv (sistemi me rimbursim), trajtohet si eksport i produkteve kompensuese nga territori doganor i Republikës së Shqipërisë dërgimi i produkteve kompensuese personave që perfitojne perjashtime nga detyrimi doganor, ne baze të Konventës se Vjenes datë 18 prill 1961 për Marredheniet Diplomatike, Konventës se Vjenes të datës 24 prill 1963 për Marredheniet Konsullore ose konventa të tjera me permbajtje konsullore, ose Konventa e New York e datës 16 dhjetor 1969 për Misionet Speciale.

*Neni 312*

1. Deklarata ose kerkesa për t'iu caktuar produkteve kompensuese ose nese është rasti mallrave ne gjendje të pandryshuar një destinacion doganor sic referohet ne nenin 149 të Kodit, duhet të përmbajë gjithë hollesirat e nevojshme për të mbështetur kerkesen për rimbursim.
1. Çdo deklaratë për mbylljen e regjimit të përpunimit aktiv duhet të përmbajë në kutinë 44 numrin dhe datën e autorizimit të përpunimit aktiv.

*Neni 313*

Çdo produkt kompensues dhe nese është rasti, mallrat ne gjendje të pandryshuar të cilave duhet t'u caktohet një nga destinacionet doganore të cilave u referohet neni 149 i Kodit, duhet të paraqiten ne zyren doganore të mbylljes se regjimit dhe i nenshtrohen formaliteteve doganore perkatëse të destinacionit doganor ne fjale ne perputhje me dispozitat e pergjithshme që zbatohen.

#### *Neni 314*

1. Deklarata per dhenien e produkteve kompensuese dhe nese është rasti, mallrave ne gjendje të pandryshuar, njërin nga destinacionet doganore të referuara ne nenin 149 të Kodit, depozitohet ne zyren doganore të mbylljes se regjimit sic tregohet ne autorizim.
2. Deklarata per dhenien e produkteve kompensuese ose mallrave ne gjendjen e tyre të pandryshuar një destinacion doganor, behet ne perputhje me dispozitat e percaktuara per destinacionin doganor perkatës.
3. Pershkrimi i produkteve kompensuese ose mallrave ne gjendjen e tyre të pandryshuar ne deklaratën e mbylljes se regjimit duhet të perputhet me hollesirat e dhëna ne autorizim.
4. Për qëllim të nenit 87(2) të Kodit, dokumentat që shoqërojnë deklaratën e mbylljes, duhet të jenë ato dokumente paraqitja e të cilave nevojitet per vendosjen e mallrave ne regjimin e kerkuar.

#### *Neni 315*

1. Kur është nevoja të përcaktohen detyrimet e importit që duhet të rimbursohen ose shuhen, përlogaritjet ajo pjesë e mallrave të importit të trupezuara ne produktet kompensuese. Nuk kryhet një përlogaritje e tillë kur të gjithë produkteve kompensuese u caktohet njëri nga destinacionet doganore të cileve u referohet nenin 149 i Kodit.
2. Përlogaritja kryhet ne perputhje me metoden e matjes sasiore ose metoden mbi bazën e vlerës ose me cdo menyre tjetër që jep të njëjtat perfundime, ne baze të shembujve të pasqyruar ne Aneksin 40.

#### *Neni 316*

Metoda e matjes sasiore (produktet kompensuese) perdoret kur prej operacioneve të perpunimit aktiv perftohet vetëm një lloj produkti kompensues. Ne këtë rast, sasia e mallrave të importit që i korrespondon produkteve kompensuese per të cilat mund të kerkohet rimbursim ose shuarje e detyrimeve doganore, llogaritjet duke zbatuar mbi të gjithë sasine e mallrave në fjalë, një koeficient që i korrespondon raportit të sasise se produkteve kompensuese, per të cilat mund të kerkohet rimbursimi ose shuarja e detyrimeve doganore, me sasinë totale të produkteve kompensuese.

#### *Neni 317*

1. Metoda e matjes sasiore (mallrat e importit) perdoret kur të gjithë elementet e mallrave që vendosen ne qarkullim të lire, gjenden ne secilin prej produkteve kompensuese.
2. Per të vendosur nese do të zbatohet kjo metode, nuk merren parasysh firot.
3. Sasia e mallrave të importuara në kuadër të sistemit me rimbursim, që perdoren ne procesin e fabrikimit të cdo produkti kompensues, percaktohet duke zbatuar në mënyrë të njëpasnjëshme, per të gjithë sasine e mallrave të importit, një koeficient i cili i korrespondon raportit të sasise se mallrave ne fjale, që gjenden ne secilin prej produkteve kompensues me sasinë totale të mallrave të tilla që gjenden në produktet kompensues ne tëresi.
4. Sasia e mallrave të importuara në kuadër të sistemit me rimbursim, që i korrespondon sasise se produkteve kompensuese per të cilat mund të kerkohet rimbursimi ose shuarja e detyrimeve doganore, percaktohet duke zbatuar koeficientin që i korespondon raportit të sasisë së produkteve kompensues për të cilat është kërkuar rimbursimi ose shuarja, me sasinë totale të produkteve kompensuese ndaj sasisë së mallrave të importit të përdorura në fabrikimin e produkteve në fjalë, përlogaritur në përputhje me paragrafin e tretë.

#### *Neni 318*

1. Kur nuk mund të zbatohet metoda e matjes sasiore, perdoret metoda mbi baze e vlerës.
2. Per të percaktuar sasine e mallrave të importit të përdorura ne fabrikimin e secilit lloj produkti kompensues, koeficientët e njëpasnjëshëm që i korespondojnë raportit ndërmjet vlerave të krahasueshme për cdo produkt kompensues, të përlogaritur në përputhje me paragrafin 3, do të zbatohen për të gjithë sasinë e mallrave të importit.
3. Per të përdorur metoden me baze vlere, vlere e cdo produkti kompensues perbehet nga:
  - a) cmimi i shitjes me të fundit ne Republikën e Shqipërisë i produkteve identike ose të ngjashme, me kusht që ky cmim nuk është ndikuar nga marrëdhënia mes bleresit dhe shitësit, ose, kur ky nuk është i njohur,
  - b) cmimi më i fundit ex works ne Republikën e Shqipërisë, me kusht që të mos jetë ndikuar

nga marrëdhënia mes bleresit dhe shitësit.

Kur vlera nuk mund të percaktohet duke përdorur një nga metodat e mësipërme, percaktohet nga zyra doganore mbikqyrese me anë të çdo metode tjetër të arsyeshme.

4. Sasia e mallrave të importit e cila i korrespondon sasise se produkteve kompensuese për të cilat kërkohet rimbursim ose shuarje e detyrimit doganor, përlogaritet duke zbatuar koeficientin e gjetur me anë të metodës së matjes sasiore (produkte kompensuese) ndaj sasise se mallrave të importit të përdorura në prodhimin e produkteve në fjalë, të përlogaritura në përputhje me paragrafin 2.

#### *Neni 319*

Rimbursimi ose shuarja e detyrimeve doganore i nënshtrohet depozitimit, nga ana e mbajtësit të autorizimit, në zyren doganore mbikqyrese, të një kerkese që këtu e në vijim do të quhet "Kerkese rimbursimi/Perpunim aktiv".

#### *Neni 320*

1. Afati i përmendur në nenin 149(3) të Kodit, brenda të cilit duhet të depozitohet kerkesa për rimbursim/Perpunim aktiv është maksimumi 6 muaj nga data në të cilën produkteve kompensuese u është caktuar njëri prej destinacioneve doganore të cilave u referohet neni 149(1) i Kodit.

2. Kur e kërkojnë rrethana të jashtëzakonshme, Drejtoria e Përgjithshme e Doganave mund të zgjasë afatin e përmendur në paragrafin 1, edhe pasi ky afat ka mbaruar.

#### *Neni 321*

1. Kerkesa për rimbursim/ Perpunim aktiv mes të tjerash duhet të përmbajë të dhënat e mëposhtme:

- a) referencat e autorizimit;
- b) sasia e çdo lloji mallrash të importit për të cilat kërkohet rimbursim ose shuarje e detyrimeve doganore;
- c) kodin e mallrave të importit në Nomenklaturën e Kombinuar;
- d) vlerën doganore mallrave të importit dhe nivelin e detyrimeve doganore të importit të cilat duhet të paguheshin për mallrat në datën e pranimit të deklaratës për vendosjen e mallrave në qarkullim të lirë në kuadër të sistemit me rimbursim, të verifikuara këtu nga autoritetet doganore;
- e) datën e vendosjes në qarkullim të lirë të mallrave të importit në kuadër të sistemit me rimbursim;
- f) referencat e deklaratës sipas se ciles mallrat u vendosen në qarkullim të lirë në kuadër të sistemit me rimbursim;
- g) llojin dhe sasinë e produkteve kompensuese dhe destinacionin doganor që iu është caktuar ose në të cilin ato duhet të caktohen;
- h) vlera e produkteve kompensuese, nëse për qëllim të mbylljes së regjimit është përdorur metoda mbi baze vlere;
- i) koeficienti i shfrytëzimit të përdorur;
- j) referencat e deklaratës sipas se ciles produktet kompensuese ose nëse është rasti, mallrat në gjendjen e tyre të pandryshuar u vendosen në njërin nga destinacionet doganore të cilave u referohet neni 149 i Kodit;
- k) shumën e detyrimeve të importit që duhet të rimbursohen ose të shuheshin dhe çdo interes kompensues të vjele, duke marrë parasysh mes të tjerash detyrimet e importit për produkte të tjera kompensuese.

#### *Neni 322*

1. Zyra doganore mbikqyrese mund të lejojë që kerkesa të mos përmbajë ndonjë të dhënë të vecantë, nëse kjo nuk ndikon mbi përlogaritjen e shumës për t'u rimbursuar ose shuar.

2. Zyra doganore mbikqyrese mund të lejojë që Kerkesa e rimbursimit/Perpunimi pasiv të bëhet në kompjuter ose në çfarëdo forme tjetër që vendos zyra në fjalë.

#### *Neni 323*

Zyra mbikqyrese bën shënimet përkatëse në kerkesen për rimbursim/Perpunimi aktiv në bazë të verifikimit të kryer dhe duhet të informojë mbajtësin e autorizimit mbi perfundimin e verifikimit; kjo zyre duhet ta ruajë kerkesen dhe dokumentat përkatëse për të paktën 3 vjet kalendarike nga fundi i vitit në të cilin mori vendimin për kerkesen.

*Neni 324*

1. Kur produktet kompensuese në sistemin me rimbursim vendosen në njërin prej destinacioneve doganore të cilave u referohet paragrafi i dytë i nenit 149 (1) i Kodit, duke lejuar në këtë mënyrë rimbursimin, kutia e rezervuar për pershkrimin e mallrave në dokumentat e perdorura për vendosjen e këtyre mallrave në regjim, në një zonë të lirë ose në një magazinë të lirë, duhet të përmbajë shënimin: “*Perpunimi aktiv/Mallra të rimbursuara*” me bojë të kuqe.

2. Zyra doganore e mbylljes së regjimit duhet të bindet që shënimet, të cilave i referohet paragrafi 1, janë bërë të secilin prej dokumenteve të leshuar për të zëvendësuar ose të mbyllur dokumentet të cilave u referohet ai paragraf.

*Neni 325*

Drejtoria e Përgjithshme e Doganave mund të nxjerrë udhëzime për zbatimin praktik të regjimit të perpunimit aktiv.